

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولنماز .

الکتابخانه

ادرس تبدیلنه آریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونغسی لازمدر

ممالك اجنبیه ایچون آبونه
اولانلرک آدرس لرینک
فرانسجه یازلسی رجا اولنور .

پاره کوندردلیکی زمان نهیه
دائر اولدیفی بیلدیرلسی
رجا اولنور

اتبعون اهدکم سیل الارشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

قارنلریمز قولایجه اکلایه بیلہ جکدر . و کوروله جکدر که ادیان شرکی کوکندن قوباره حق و بشرتی عصر لرجه تعذیب ایدن ظلملره ، فوضالره خاتمہ چکه جک بر صاحب ظهوره ؛ دنیایه عائد معامله لرندہ افرادک بری برینه صالدر مامسنی قافل حدود واحکام وضع ایدہ جک برشارعه ؛ بوتون و اجتماعی دردلره ، بو اخلاقی خسته لقلره چاره ساز اوله جق بر حکیمه ؛ حاصلی مکارم اخلاقی بوکسلا تمکله برابر انسانی حیات فانیه و ثانیه سنده مسعود ایدن رضای رحمانی موجب حسنات اعماله ارشاد ایدہ جک بر نجیہ او دورک کوستردیکی احتیاجی بشریت دیگرادوارینک هیچ برنده بو قدر شدیلہ کوسترمه مشدی .

ایشته بویله صاحب ظهور بر مصلحتک قدومنی کورده بیلیمک امیدیلہ ایدی که جهل درت طرفه دونیور ، بویونلر متصل اوزانیور ، کوزلر طور مایوب آفاق امکانی آراشدیریوردی . نهایت خلاق رحیمک بو آواره بشر حقنده کی مرحمت ازلیه سی جوشه کلدی : السوکیلی قوی محمد به عبدالمطلبی دین مبینیلہ تأیید ایدہ رک رحمة للعالمین کوندردی . او رسول معظم که بوتون مجاهداتنده روح القدسله مؤیددی ؛ وظیفه رسالتک حقیقه ادا سنده هیچ بیلفینلق کوسترمدی . سعی ، فتور یوزی کورمدی . ایمانی ، یأس ندر بیلمدی . قومک درلو اذالری ، درلو جفالری اورسول مجاهدک عزمنی بر آن ایچون اولسون صار صمادی . بالعکس ضلاله صائمس فکرلری صلاحه کتیر ، آرزغینلق ایدناری بوله یاتیر ، چیفرندن چیقمش اخلاقی طوغرولتور ، کوتو عادتلری سوکر آتار ، اجتماعی معاملات ایچون الکتین احکامی تبلیغ ایدردی . حاصلی بشرک صلاحی ، سعادتنی تأمین اوغورنده یکریمی اوچ بیل کیجه لی کوندوزلی اوغراشدی . بو دورک ختامنده ایدی که آرتیق وظیفه سنی ادا ایتمش بولونیوردی ، مکدن ناسه وداع خطبه سنی او قویهرق دین مبینک کالہ ایردیکنی ، امتی حقنده نعمت الهیه نک تمامیلہ رایکان اولدیغنی بوتون کاشانه قارشنی اعلان ایتدی .

مسلمانلق

مانع زنی دکل ، ضامن زنیدر .

آمریکا کنجلیته ویریلک اوزره اوراده کی مسلمان طلبه مرک زجالی اوزرینه متفکرین علمای اسلامیه دن المالولی حمدی افتدی حضرتلری طرفندن تحریر اولنوب آمریکایه کوندریلن قونفرانسک مابمیدر :

بو بحثی طبعی بوراده اوزاته مایز ، آنجق شئونات طبعیه نک طرز جریانته و قدرت الهیه نک وسعت بی پایانه افطراً برنشأت ثانیه تصوری سهل الامکان اولدیغنی سولیکله اکتفا ایدہ جکدر . لکن بزم ایچون بو امکان تصوری کافی دکدر . بر انسان قلبنده نشوؤ بقای دویه بیلیمک

زادکاک ، شووال لریک ، کایسار جالتک آندہ ، باربار لریک قرال لری آره نده جانسز متاع کی ، دیاسز حیوان کی تداول ایدردی . بونلر یا آلنیر ، صاتیلیر کوله اولوردی ؛ پاخود کوله دن فرقی صایلیمامقدن عسارت خدمتکارلر صیره سته کیرردی . بونیکله برابر افتدیلرینه ، بویوکلرینه باغلی اولق خصوصنده بوتون خلق بری برینک عینی ایدی . اطاعت خارجه چیقمق ، هیچ برامره قارشنی عصیانده بولونمق خاطره کلدیکی کی کیمسه یه افتدیسنی انتخاب حق ویرلمش دکلدی . شو قدر که بعض باربار مملکتلرندہ ایلمک افتدیلرینه معین برفیه نجات ویرمک شرطیلہ دیگر قاپولره قابولانه بیلیمک حتی بو خدمتکار طبقه سته بخش ایدیلشدی . سوکره باشنده کی آمرلره آغیر آغیر ویرکیلر اودومدکجه هیچ بر فرد ایچون طوبراق کی ، عقار کی شیلره صاحب اولق ، پاخود توارث ایتک امکانی یوقدی . بوندن باشقه کلیسایه عشرتی ، حاکمه یاری عشرتی ، دیگرلرینه عائد اولان صهرلری ویرمده دن کیمسه یتشدیردیکی محصولدن انتفاع ایدہ مزدی . کیمسه اذن آلمق سزین افتدیسنک اوندن آریله مازدی . خدمتکار طبقه سسله جفتجیلر دوکونلرده ، یورطولرده افتدیلرینه ایجاب ایدن هدیالری ویرمه یه مجبور ایدیلر . قیزی اوله دیرنلر زفافدن اول مطلقا بولوندینی محاکم بویوکنه تقدیم ایدہ جکدی . چوق دفعه لر شاکم بویوک قاتولیک دینک ارکانندن بری ظهور ایدردی . لکن کلیسانک رهبانیت خصوصنده کی اوامری بو رذیل باربار عادتک بخش ایتدیک بییمی بر حق استیفادن اونی هیچده آلیقویمازدی .

ایشته شوصاید قلمز او عصرده کوله اولیان طبقه یه قارشنی کوستریلان مساعدله لردی . کوله لره کلنجه ییچاردلرک حالی بیلک قات دها بدر ، حیاتی بیلک قات دها سفیل ایدی . ۱]

ایشته قرون وسطی دینیان بوقارا کلق دورلرده مظالمک ، فجایعک او قدر قورقونج اشکالنه مراجعت اولوندی ؛ سوکره انکیزیسیون محکمه لرله امرانک ، زادکاک او مدھش استبدادی یوزندن اوبله حوصله یه صیغماز فلاکتلر میدان آلدی که او بر قاج عصر ظرفنده بوتون اوروپا قطعہ سی اذالیتک جهنمی ؛ فکرا ، ماطقه نک ، حرکتک اسارتکاهی کسیلدی . شاید اوروپالیر سوکرلری بری بری تعقیب ایدن او قاتلی انقلابلره بشرک حقوقی تثبیت ایتمش اولماسه ییدی بز بویکون اوروپایی بولوندینی حالده کورده بیلہ جک دکل ایدک .

آرتیق جزیره العربک ، ایرانک ، بلادرومک ، حتی بوتون اوروپانک نه درلو فجعتلر ایچنده بونالیدیغنی ، نه کی شدائد آره سنده قالدیدیغنی ، سوکره دینده ، اخلاقده ، حیات اجتماعی نک بوتون اقسامنده ناصیل بر فوضایه طوتولیدیغنی تاریخی اوله رق صیره لدیغمز حقیقتلرک دلالیتله ۱] تاریخ عمومینک قرون وسطاده کی مظالمی حکایه ایدن فصلنه مراجعت .

ایچون بو نشأت ثانیه نك تحقق وقوعی ده تصدیق ایتکه محتاجدر : نشأت ثانیه ممکندر و وقوع بوله جقدره دییه بیدلی که اوندن حصه سی دوشونهرک نشوویاب بقا اوله بیلسون . بو تصدیق ایسه فکر و فلسفه ایله قابل رد اولدیغی کی قابل اثبات ده دکلدر . بوراده علم و فن ، فکر و فلسفه توقف ایدر ، عقل بشر دوچار حیرت اولور . حسیات قلبیه کرچه بر از ده ایلری کیده رک تمیاته دوشر ، نه چاره که بو تمیاتک مؤبداتی یوقدر .

ابواب حقیقت هنوز مسدود ، طرق استقبال ایسه نامروددر . بوظلمتی ازاله ایدم بیلجک آنجق بر نور وارد که اوده نور نبوتدر . عقل و فکرک توقف ابتدکی بوادی لاهوتیده کشت و کذار آنجق طریق وحی ایله ممکن اولور . بوراده الهام و کلمات ایله وحی و نبوتی بحق تمیز ایتک لازم کلیر . الهام ، ضعیف بر تلقین الهیدر که علی الاکثر شعرا ده واقع اولدیغی کی خیال ایله مخلوط اولور . صرف انفسی رخا نه در . بوندن طولانی فلسفه اسلامی ده الهام اسباب علمدن (criterims De science) معدود اولیور . وحی ایسه برهان نامروددر و علی الدوام صادق و مصیب بر تلقین الهیدر . صاحبند یقین عینی (la certitude Objective) و بر دعوی مبرم او یاندیرر و اثبات ایتدیرر . بتون معجزه لر اونک برهانیدر . طبیعت بشریه بر قانون عمومی اولیوب بر حادثه نادره اولدیغدن دولای علم النفس ساحه سنده تمامیه تدقیق ایدیله مش اولان بو حادثه وحی انبیای عظامک خصائص ممتازه سنددر که بزبونی بالکیز تدقیقات تاریخیه ایله اوکرمه بیلیر . بونک ایچون آخرتک تحقق وقوعی ادراک و تصدیق ایتک بر پیغمبری تصدیقه منوطدر . انبیای عظام ایچنده احوال تاریخیه سی و نبوتک صورت جریانی که مغبوط و معلوم اولان ذات ده خاتم الانبیاء محمد مصطفی صلی الله علیه وسلم اقدیمزدر . ایشته بتون کتب سماویه نك اساسی و کافه انبیای عظامی بو ایضاح دائره سنده تصدیق ایدن دین اسلامک اس اساسی بعث بعد الموت حقیقتی ضامن اولان وحدانیت الهیه ایله رسالت محمدیه یی تصدیق ایتمکدر .

شو حالده اسلامک عقائد اساسیه سی (الله ، پیغمبر ، آخرت) عقیده لیدر . اهل اسلام بو عقیده لر ایله آخرتده بقای فردییه ، مجازات و مکافاته جداً ایمان ایدر . بو ایمان ایله منشرح اوله رق اضطرابات حیاته کوکس کرر . ایفای وظیفه ایله فضیلتدن بیولک بر ذوق سعادت طویار . چونکه او فضیلتک نشأت ثانیه ده کندیسینی سعادت ابدیه یه مظهر قیلا جفته قانعدر . ایمانک و یردیکی بو ذوق ونشئی عالمده هیچ بر واسطه ثروت و شهوت ایله اکتساب ممکن دکلدر . حقیقه عالمده ذوق ایمان قدر طاتی بر شی یوقدر . ایمانی اولیان بر قلب ملعبه شبات اولور . هر لحظه شک و شبهه ایچنده یاشامق ایسه نه مزعج شیرد !

ایمانسزلر یا اتحار ایتکه و یا حسیات خیالیه و شاعرانه ، یا خود سبوم کتولیه ایچنده بر سکر دائمی ایله تسلی آرامق مجبوریتیه محکومدر لر . لکن بویولده کی بی ثبات و پر رخار بر تسلیک ، بر تسلی آیتک نه قیمتی اولور ؟ بر حقیقت کلیه یه مستند اولیوب بر طاقم حسیات زائله و مشتهیات فانیه نك مولودات نفسانیه سندن عبارت اولان بر تسلی یه مربوط حیاتک بر هیجی مطلقه پیوسته اوله جفته شبهه می واردر ؟

جناب الهی اقرار و اعتراف ایدن وصفات ذاتیه و معنویه سیله عارف اولان بر کیمسه نبوتک کرک امکانده و کرک وقوعنده تردد ایتر . نبوتی تصدیق ایدن کیمسه ده آخرتی البته تصدیق ایدم جکلدر . جناب الله اول و آخردر ، ظاهر و باطندر ، نور السموات والارضدر . [الله نور السموات والارض - سورة نور] ، [هو الاول والاخر والظاهر والباطن وهو بكل شیئی علیم - سورة حدید] . جناب الله [لیس کمله شی] - سورة شوری] . یعنی آکابکیزه یه هیچ بر شی یوقدر . بناء علیه عقائد اسلامییه کوره الله نه جسم و جسمانی ، نه ده روح و روحانیدر . نه ماده ، نه قوتدر . چونکه جسم و روح ، ماده و قوت ، تحلیل طبیعتک صولک حد لیدر . جناب الله ایسه حدود طبیعتک فوقنده در . جسم خلق الهی ، روح ایسه امر الهیدر . بونلر تعینات کونیه دندر لر ، جناب الله ایسه حق مطلق و واجب الوجوددر . وجود الهی اولسه ایدی نه جسم اولور ایدی ، نه روح . نه مکان بولنوردی ، نه زمان . بوندن دولاییدر که بقای انسانی بالکیز بقای روح نظریه سیله تأمین اولنه ماز . انسانک روحی الهیدن کلشدر . وفات ایدنجه یه الله رجوع ایدر . جناب الله دیله دیکی زمان یه جسمی خلق و روحی اعاده ایلر . روحک الله رجوعی ، بقای ذاتیسی دیمک اولماز . چونکه الله رجوع اولان روحک تعین کونیشی یوقدر . تعین کونیشی اولمیان شییه موجود اطلاق ایدیله من مخلوقات حادثه ده بقا ذاتی اوله رق دکل ، امثال صورتیه واقع اوله کلدیکنه نظراً ، بقای ابدیه ده بویله اولمق لازم کلیور کیدر . دین اسلام نظرنده الوهیت ایله نبوتک اصلا النبایی یوقدر . بوکا بناء انبیانک عباد الله اولدیغی تصریح ایتک ایمانک اس اساسی تشکیل ایدر . [کلمه شهادت]

جناب الله (لیس کمله شی) اولدیغدن دولای هیچ بر شییه حلول و اتحادی قابلی دکلدر . پیغمبرده حصه الوهیت تصور ایتک ، بزم نظر مزده کفر در ، الهی بیلمه مکدر . دین اسلام انسانیتک هم حسیاتی و هم عقلی تطمین ایدر . مع مافیه خطاباتی حسیاتدن زیاده عقل و منطق متوجهدر . اسلام کور و متعصب بر عقیده یه طرفدار دکلدر . اصحابنده مثبت بر عقیده و منور بر فکر بولونمسنی ترویج ایدر . چونکه اسلامک ایلک توصیه ابتدکی اخلاق ، حب حق ، انصاف ، اعتدالدر . جناب الله پیغمبری دین حق و نور هدایت ایله ارسال

بیوردی [هو الذی ارسل رسوله بالهدی و دین الحق - سورة فتح] . اسلام یالکز حق دین دکلدر . حق دینی درده . یعنی حق حقیقه ابتنایدن بر دیندر . مسلمان قلبی هرشیدن اول حق و حقیقی سور و حقه برستش ایدر . تعصب و نفسانیدن ، طرفدارلق و خودکاملقدن آزاده اوله رق حق سور . زیرا الله تعالی ، حق تعالی در .

علی الا کثر بشریت مغلوب نفسانیت اولور . هواسنه ، ارزوسنه توافق ایمان حقیقتاری انکار ایدر و بوندن دولای آخرک حقوقه تجاوز ایلر ، محاکمانده بی طرفلق کوسترمز . اسلامده ایسه حب حق بوتون حسیاته حاکم بر خصلت اولمق مطلوبدر . چونکه قرآن عظیم الشان و بتون نصوص اسلامیه اول امرده انسانلره حب حقیقی و تفکرده بی طرفلنی ، وجدانده حق شناسلنی تلقین و توصیه ایدر . بر مسلم کامل بر محکمه حضورنده علیهنده بیلبیکی بر حقیقی بیله اقرار و اعترافدن چکینمز . اسلامده تعصب مذمومدر تعصب ایسه بزم تفسیریمزجه حقیقی بیلوب طورورکن ضدی اولان باطلی التزام و اوندن عناد ایتک دیمکدر .

بونکچوندرکه قرآن عظیم الشان ادیان سالفه اربابندن اولان بعض اهل کتابی افراط تعصبه مؤاخذه ایدرک [قل یا اهل الکتاب لاتغفلوا فی دینکم غیر الحق - سورة نساء] دییه نصیحت ایدر . های اهل کتاب! دینکیزده حقندن ماعدا هیچ بر شیئده غلو ایتیکز . یعنی تعصب کوسترمیکز . دیر . فی الحقیقه بعض اهل کتاب او یله یا بیورلر ایدی . کتب مقدسه نك بر چوق احکامنی اهمیتدن اسقاط ایتدکاری حالده کتابلرک اصرارینه لزوم کوسترمیدی ، تصریح ایتدیکی بعض شیرده ده افراط ایله تعصب ابراز ایدیورلردی . مثلاً ترک ازدواجی بر قدسیت دینی مرتبه سنه چیقاریورلردی . حالبوکه بودعوالینه تماماً صادق ده قالمیورلر ، سوء استعمالده بولنیورلردی .

کذلک دین اسلام ادیان سالفه اربابندن بعضیلرینی [اتخذوا احبارهم و رهبانهم ارباباً من دون الله] دییه مؤاخذه ایلر . « الهی بر اقدیلرده عالمترینی ، رؤسای روحانیلرینی رب اتخاذا ایدم جک درجه یه واردیلر . « دیور . بوآیت نازل اولدینی زمان حجازده کی اهل کتاب میاننده دین اسلامی قبول ایتش اولانلردن بعض ذوات حضور پیغمبری یه کلدیلر : « یارسول الله ، بز دین سابقمزمده احبار و رهبانمزی رب اتخاذا ایتزدک . « دیدیلر . بونک اوزرینه علیه الصلاة والسلام افندیمز : « بیوکلریکزک ، رهبانلریکزک وضع ایتدکاری قانونلر متابعا ایتزمیدیکز ؟ « دییه صور دیلر . اولر : « اوت ایدردک « دیدیلر . پیغمبر مزده : « ایشه بو اتباع ، علمایی ، رهبانی رب تلقی ایتمکدر . چونکه اطاعت آنحق اللهک قانونلرینه اولور . « دییه جواب و یردیلر . فی الواقع بشریتک بتون اضطراباتی قوانین حقیقیه الهیه بی نظر دقته آلمیه رق ارباب نفوذک کیفلرینه ، تمایلات ارادیله رینه کوره وضع و قبول ایتدکاری قوانیندن نشأت

ایده کلشدر . بتون مظالمک منبئی بودر ، اختلالات و انقلابات بشریه هب بوقیل قوانینک نتایج سیئه سیدر . سوسیالیزم ، بولشهویزم هب بونلردن توره مشدر . بتون استبدادلرک اساسی ، ارباب قوتک فوقنده اولان قدرت الهیه بی طانیامسندندر . بشریتک الک بیوک طغیانی کندی آرزولرینی اللهک امری دییه طانمغه چالشمسیدر . بوندن دولاییدرکه دین اسلامده علمانک ، امرانک ، ارباب نفوذک صفت تشریعیه سی یوقدر . تشریع اللهکدر . علما ، احکام الهیه بی کشف ایچون اجتهاده مأموردر . بونلر قانون وضع ایدمزلر ، قانون الهیه بی کشف و فهمه چالشیلر .

دین اسلامک بو حق پرستلک اساسندن طوغان نتایج اجتماعیه سندن بریسی وحدت و اخوت اساسیدر . کرچه وحدت اجتماعیه نك اساسی تجانسدر . فقط توحید باری و تعظیم حق سجه سندن طوغاجق اولان تجانس بتون تجانسلرک فوقنده در . چونکه حق پرستلک بولنان و حقک برلکنه قائل اولان روحلرک معیار حساسیت و تفکرلری هب بر اوله جفی ایچون بوتجانسدن حاصل اولان وحدت هر درلو وحدتازدن ده قوی ودها جمعیتی اولور . ایشه اسلامده کی وحدت اجتماعیه نك قوتی بوندن ، منبعشدر . توحید حق هر وحدتک و هر قوتک اساسیدر .

مسلمانلرک

روح علمی و ادیسی

۲

محرری : سید امر علی

دولت عباسیه نك تأسیسه یکی بر دور باشلادی . آل عباس ، ایرانیلرک یاردیمیه موقع اقتداری احراز ایتشلر ، وحا کینلرینی یالکز عربلرک قوتنه دکل ، عموم تبعه نك قوتنه استناد ایشدرمشلردی . (ابو العباس السفاح) زمام اموری النده یالکز ایکی سنه طوته بیلدی . قرده شی و خانی (المنصور) ، آل رسوله قارشی ابراز شدتله برابر برنجی درجه ده بر رجل دولندی . دولتی تشکیل ایتش ، دائمی برارد و تنظیم ایتش ، ضابطه تشکیلاتی وجودم کتیرمش ، طرز اداره یه مکنست و استقرار و یرمشدی . اوزمانه قادار عربلرهمان همان عسکرلکه حصر حیات ایدیورلردی . (المنصور) ک طرز حکومتی دهالرینه یکی بر جولان بخش ایتدی . عربلر شهرلرده توطن ، اموال غیر منقوله استحصال ایتشلر و عسکرلک ایچون وقف ایتدکاری حیاتلرینی بوکره عینی حرارت و فداکارلقه علم و عرفانه وقف ایتشلردی .

غربی آسیانک ایکی بیوک نهریله اروا اولونان فیاض و برکتلی فرات و ادیسی الکاسکی زمانلردن اعتباراً مرکز مدنیت و مقر حکومتدی .